

- M É G A D É M W E N -

Dépi premié jou-a,
Man té ja di'w tout anlè mwen
Dépi premié swè-a,
Lè dan dé bra-w ou séré mwen.
Kè souvan man té ké lwen,
É sé wou menm ki té ka di mwen...
Dépi premié jou-a,
Sa té ké rann santiman nou solid
Dépi premié swè-a,
San trapé pies vié labitid.
Bel pawol kè mwen kwè,
Mé gadé mwen, menm si man ka soufè ...

Refrain :

Man ka respiré toujou,
Ka viv jou aprè jou,
Man pé menm chanté lanmou
Épi milyon mo dou.
Man ka respiré toujou,
Reviv lannuit kon jou,
Man pé menm chanté lanmou,
Menm lè tjè-mwen two lou.

Épi dènié jou-a,
Tou sa té red a sipòté.
Épi dènié swè-a,
Sé an dot bra ou ay séré.
Dan dot kouch pou bliyé,
Fòw sonjé kè menm si man ka plèré ...

Refrain

*Pa ni ayen pou fè, pa ni ayen pou di,
Menm si mwen dan lanfè, fo man di mwen sa fini.
Latè ké kontinué tounen, ni ki pli maléré ki mwen,
Alò pa entjétéw pou mwen, mi ... Gadé mwen ...*

*Dépi dènié jou-a,
Épi distans ou konnet solitud,
Dépi dènié swè-a,
Ou trapé mové labitud.
Ni bel moman pou sonjé,
Si ou gadé mwen, menm si man maléré ...*

*Man ka respiré toujou...
Man pé menm chanté lanmou...
(- Fòw sonjé mwen avan
- Mé gadé mwen aprézan
- Avan, séparasion sété bel ritouway.
- Ja ni lontan pa ni chalè dan rètouway)*